

2018 nr. 30 7. maí

Lög um Matvælastofnun

Tóku gildi 15. maí 2018. Breytt með: L. 71/2019 (tóku gildi 5. júlí 2019). L. 84/2019 (tóku gildi 1. jan. 2020).

Ef í lögum þessum er getið um ráðherra eða ráðuneyti án þess að mállefnasvið sé tilgreint sérstaklega eða til þess vísað, er átt við sjávarútvegs- og landbúnaðarráðherra eða atvinnuvega- og nýsköpunarráðuneyti sem fer með lög þessi.

■ 1. gr. Matvælastofnun.

- Matvælastofnun er ríkisstofnun undir yfirstjórn ráðherra. Stofnunin fer með stjórnsýslu matvælamála samkvæmt lögum þessum og öðrum lögum sem stofnunin starfar eftir.
- Matvælastofnun skal með starfsemi sinni stuðla að neytendavernd, heilbrigði og velferð dýra, heilbrigði plantna og öryggi, heilnæmi og gæðum matvæla.

■ 2. gr. Hlutverk.

- Hlutverk Matvælastofnunar er að:
 - a. fara með stjórnsýslu og eftirlit í samræmi við lög þessi og önnur lög, m.a. varðandi matvæli, dýraheilbrigði, dýravelferð, jarðrékt, fóður, sóttvarnir og viðbragðsáætlanir, fiskeldi, kjötmat, inn- og útflutningseftirlit . . .¹⁾
 - b. veita ráðherra ráðgjöf um þá málaflokka sem falla undir starfssvið stofnunarinnar, þ.m.t. aðstoð við stefnumótun, undirbúnung laga og stjórnvaldsfyrrmæla og alþjóðlegt samstarf,
 - c. veita öðrum stjórnvöldum ráðgjöf og umsagnir um mál á starfssviði stofnunarinnar,
 - d. vinna að samræmingu og skilvirkni opinbers eftirlits á starfssviði sínu,
 - e. vinna að aðgengi fyrir íslenskar afurðir að erlendum mörkuðum,
 - f. veita hagsmunaaðilum og almenningu fræðslu um mál efni á starfssviði stofnunarinnar.

¹⁾ L. 84/2019, 18. gr.

■ 3. gr. Skipulag o.fl.

- Ráðherra skipar forstjóra Matvælastofnunar til fimm ára í senn. Hann ber ábyrgð á starfsemi og rekstri stofnunarinnar, mótar helstu áherslur, verkefni og starfshætti og annast daglega stjórn hennar.
- Matvælastofnun skiptist í svið eftir viðfangsefnum. Forstjóri ræður sviðsstjóra yfir hvert svið. Ráðherra skipar þó sviðsstjóra yfir sérstökum sviði sem fer með mállefini dýrasjúkdóma og varna gegn þeim og dýravelferðar. Sá sviðsstjóri skal vera dýralæknir að mennt og nefnast yfirdýralæknir. Hann er skipaður til fimm ára. Ráðherra setur honum erindisbréf með hliðsjón af þeim verkefnum sem yfirdýralæknir eru sérstaklega falin í lögum. Yfirdýralæknir heyrir undir forstjóra. Forstjóri ræður annað starfsfólk nema annað sé tekið fram í lögum.
- Matvælastofnun starfrækir umdæmisstofur sem sinna eftirlitsstörfum og ákveður ráðherra fjölda umdæma og mörk

milli þeirra. Forstjóri ákveður staðsetningu umdæmisstofa og ræður dýralækní sem veitir hverri stofu forstöðu og fer með þau verkefni sem héraðsdýralækní eru falin með lögum.

- Matvælastofnun starfrækir landamærastöðvar eftir þörfum til að hafa eftirlit með innflutningi búfjárafurða, sjávarafurða og lifandi ferskvatns- eða sjávardýra frá ríkjum utan Evrópska efnahagssvæðisins.

- Matvælastofnun skal árlega gera áætlun um störf stofnunarinnar, birta skýrslu um starfsemi sína og setja stefnu um starfsemi sína og meginverkefni í samræmi við ákvæði laga um opinber fjármál.

- Ráðherra setur í reglugerð¹⁾ nánari ákvæði um skipulag og starfsemi Matvælastofnunar að fengnum tillögum forstjóra.

¹⁾ Rg. 646/2020.

■ 4. gr. Samstarfsráð.

- Matvælastofnun skal hafa samvinnu og samráð við þá aðila, félög, samtök og stofnanir sem tengjast starfsemi hennar. Við stofnunina skal starfa samstarfsráð þar sem reglubundið samráð og miðlun upplýsinga á sér stað. Meðal annars skal leggja fram til umræðu í ráðini áætlun skv. 3. gr. og kynna nýjar áherslur og fyrirhugaðar breytingar á starfi stofnunarinnar. Ráðherra skipar samstarfsráði, ákveður fjölda fulltrúa og hverjur tilnefna þá auk Matvælastofnunar. Ráðið skal koma saman eigi sjaldnar en tvívar á ári, en ráðherra setur í reglugerð¹⁾ nánari ákvæði um starfsemi þess.

¹⁾ Rg. 940/2019.

■ 5. gr. Samningar við aðila um framkvæmd eftirlits.

- Ráðherra getur ákveðið að Matvælastofnun skuli með samningi fela aðilum að annast afmarkaða hluta af lögbundnu eftirliti fyrir sína hönd. Ákvörðun um framsal eftirlits sem fellur undir gildissvið EES-samningsins skal þó tekin af Matvælastofnun.

- Aðili skv. 1. mgr. skal eftir atvikum hafa fullnægjandi menntun, starfsréttið eða viðeigandi faggildingu. Ráðherra skal með reglugerð mæla nánar fyrir um hvaða kröfur skuli gerðar hverju sinni til aðila sem fara með eftirlit.

- Aðila skv. 1. mgr. verður ekki, nema á grundvelli lagheimildar, falið að taka ákvörðun um innheimitu gjalda eða beitingu viðurlaga eða aðrar sambærilegar ákvárdanir um rétt eða skyldu þeirra sem eftirlit beinist að.

- [Aðilar skv. 1. mgr. og starfsmenn þeirra eru bundnir þagnarskyldu skv. X. kafla stjórnsýslulaga.]¹⁾

- Um samning skv. 1. mgr. fer eftir 40. gr. laga um opinber fjármál, nr. 123/2015, að því leyti sem strangari eða ítarlegri kröfur koma ekki fram í lögum þessum eða öðrum lögum sem stofnunin starfar eftir og mæla fyrir um eftirlit.

¹⁾ L. 71/2019, 5. gr.

■ 6. gr. Gildistaka.

- Lög þessi öðlast þegar gildi. . . .